

धोया-पुन्छया आँगणा थे आओ विनायक पावणा, आओ म्हारे पावणा, थे पुरो म्हारी कामना सूंड-सुंडाला, दुंद- दु **Bhajans Bhakti Songs**

धोया-पुन्छया आँगणा थे
आओ विनायक पावणा,
आओ म्हारे पावणा,
थे पुरो म्हारी कामना,

सूंड-सुंडाला, दुंद-दुन्दाला,
मुसे का असवार जी,
दो नारी दो बाळक संग म,
खड्या हैं म्हारे द्वार जी,

काई थारो नाम है कुण
सो थारो गाँव जी,
काई थारा मात-पिता
जी रा नाम जी,

गजानन है नाम म्हारो,

रणतभंवर म्हारो धाम जी,
राण्या म्हारी रिद्धि-सिद्धि
शुभ-लाभ संतान जी,

पिताजी म्हारा शिवशंकर जी,
त्रिलोकी रा नाथ जी,
माता म्हारी पार्वती
शक्ति रो अवतार जी,

भाई म्हारो कार्तिक,
जग रो पालनहार जी,
मोर की असवारी बांकी,
मुरुगन नाम जी,

बेटी म्हारी संतोषी,
दूर करे संताप जी,
याही म्हारे कुटुम्ब-
कबीला री पिच्छाण जी,

धन घड़ी, धन भाग,
गजानन थे म्हारे घर
आया जी, रिद्धि-
सिद्धि न ल्याया, सागे
शुभ-लाभ न ल्याया जी

धोया-धोया थाळ,
परोस्या मोदक भात जी,
आओ-आओ गजानन
जी जीमो मोदक भात जी,

आओ-आओ शुभ-लाभ
जी जीमो मोदक भात जी,
आओ-आओ रिद्धि-सिद्धि जी,
जीमो मोदक भात जी,

जीमो मोदक भात जि
माओ म्हाने साथ जी,
राजा को रूप दीज्यो,
कंचन सी काया जी,

पूत तो सपूत दीज्यो,
अन-धन माया जी,
लक्ष्मी देवी जो नर-नारी,

विनायक न ध्यावे जी,
सृष्टि का सुख भोग करे
और बैकुंठा फळ पावे जी...

Source: <https://www.bharattemples.com/dhoya-punchhya-aangana/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>